

Պարթեւ — Արշակունիներից, այլ սրանց էլ նախորդների չըջանից:

Այս Ոստանը 1878 թ. ուսաներին յանձնելու ժամանակ ընդամենը 290 տունը բնակչութիւն կար, 195 տունը Հայ, 95 տունը իսլամացածներ, որոնք Պետական ծառայող եւ կալուածատէր էին. իսկ Հայերը սոսկ արհեստաւոր, 25 հոգի փերեղակ, մրգավաճառ կային մէջերը: Հայերը ջուրհակ էին, ներկարար, խաղախորդ, դերձակ, կօշկակար, դարբին, սղոնձագործ, կլէկոզ եւ պայտառ: 1878 թ. եօթը հայի գիւղ կար ընդամենը 125 տնով: 1913 թ. ցուցակագրութեան համաձայն — Զուջուրիս, Զարթենիս, Թամաուտ, Այրիկ- (էյրիք) Կուրաթ, Ագարակ, Բարդուղ, Ոլոր գեղերում 270 տուն Հայեր կային, բացի այդ Միրինոց, Պարէզ, Զերմուկ, Փոսիկ, Բանջրոտ, Մալակէզ, Պարակէզ եւ Կրոնք գեղերում 250 տնուոր գաղթականներ կային հաստատուած, որոնք զոհուեցան 1918 թ. արշաւանքին¹: Իսկ Օլթի քաղաքում բնիկների հայերի թիւը 195 տուն էր բայց Արդանուշեցի, Արգվինցի, Տանձոտցի, Շաւշէթցի, Ախալցխացի, Ախալքալաքցի, Ալեքսանդրապոլցի եւ Ռուսաստանի այլ եւ այլ կողմերից հաւաքուած, հաստատուած, սեփական տնատէր, խանթի տէր եւ առեւտրա-

¹ Այս մասին ТИФЛЕСК. ЛЕТОК-ում գրուածքներ ունիմ: